

耆羅洲人長三尺鳥喙唯食椰子又至摩訶
刺他國其王自在未賓戒日寺有百餘僧徒
五千東境山寺羅漢所造有大精舍高百餘
尺中安石像長八丈餘上施石蓋凡有七重
虛懸空中相去各三尺禮謁見者無不歎異
丹六
傳云羅漢願力所持或云藥呪術力所持又
越二國西北至摩臘婆國屬南印度都城西
北二十餘里有大婆羅門邑側大陷坑水流
無滿是昔大慢婆羅門謗大乘生陷地獄處
又西北至阿吒釐國屬南印度此國出胡椒
熏陸香樹葉如棠又周巡西北越十餘國至
波刺斯國非印度所攝此國多出金銀鉢石
頗肱水精死多棄屍佛鉢在王宮中西北接
佛壇國出白狗子本赤頭鴨生於穴中案梁
貢職圖云去波斯北一萬里西南海島有西
女國非印度攝拂壇年別送男天配焉略陳
聖迹依如前述具列俗紀備存大本頌曰
希音遠流乃眷東顧欣風慕道仰規西度

妙盡毫端運微輕素託采虛凝殆映霄霧
迹流衆像理深其趣寄興開襟引亢聖路
千佛同化万賢來瞻皇情有感繙素同遇
法苑珠林卷第二十九 鍾九

輜音由反妃足謂音鎰所介去竭去咀多曷仆
覆漱蘇奏符古旱棕音杖於決飴音秣音荒

音鴦上戛音捺音旃上文點反饋音匱

法苑珠林卷第三十

鍾十

大唐上都西明寺沙門釋道世撰

住持篇二十二此有十部

述意部 治罰部 思慎部 說聽部
菩薩部 羅漢部 僧尼部 長者部
天王部 鬼神部

述意部第一 夫法不自弘弘之在人人通邪正法逐人訛將欲住持三寶必須德行內充律教一宗兼先諸究不憚勞苦不好聲譽令遐迩道俗欣心有據界中行者慕崇進業繙素相依法得久住故四分律云非制不制是制便行如是漸漸令法久住若法出恒情言無規矩翻同鄙俗何成主衆宜自私退省已爲人故律云非制而制是制便斷如是漸漸令法速減數見朝貴門百多有療病僧尼或有行醫針灸求貪名利或有蒲博歌戲不護容儀或有婚姻相託媒嫁男女或有科殿酒肉公然聚會或有服玩賒華馳騁衣馬或有執腕抵掌類同賤俗或有結構惡友朋伏匿人致使穢響盈路汙染俗情貴勝同知聞微天聽於是雷同惄發枉濫清人非直僧尼不依聖教亦由白衣不識賢良寔因一二凡僧毀謗無量好衆或有勤求學問博知三歲或有講導利生無闕四時或有爲居禪思常

坐不卧或有讀誦經論常勤匪懈或有六時行懺晝夜行道或有納衣乞食儉素無爲或有山居蘭若頭陀苦行或有專營福利供養三寶或有興建齋講化俗入道或有營造經像繕構伽藍如是略列疇能殫記此之名德常依道場專行福智寸陰不遺無遐染俗或以公貴不識唯共鄙徒結友情密染習既久以非爲是縱覩聖僧將爲凡衆唯生慎慢何曾加敬靜思此事豈非灑然 治罰部第二自大聖西隱正教東流佛法付囬國王令加護持但王法漸移日就衰羸持犯憲章漸將殆盡若聞說者反被凌辱以道俗濫惡情乖日久設欲治罰改惡就善恃官勢力枉壓清人僧衆無力反汙淨心其懷轉姦實難挫伏致使大教息用遺風訛替故大集經云若未有諸王四姓爲護法故能捨身命寧護一如法比丘不護無量諸惡比丘是王捨身生淨土中若隨惡者是王無量世中不復人身工

等不治則斷三寶奪衆生眼雖無量世修施戒慧則為滅失又犯過比丘應須治者一月兩月苦使或不與語不與共坐或擯出一國乃至四國有佛法處治如是等惡比丘諸善比丘安樂受法故使佛法久住不滅又薩婆多論云違王制故得突吉羅罪又勝鬘經云

世尊應折伏者而折伏之應攝受者而攝受之何以故以折伏攝受故令正法得久住天人充滿惡道減少於如來所轉法輪而得隨轉又涅槃經云善男子諦聽諦聽當為汝說如來所得長壽之業菩薩以是業因緣故得壽命長欲得長壽應當愍念一切衆生同於子想生大慈大悲大喜大捨受不移戒教修善法亦當安置一切衆生於五戒十善復入地獄餓鬼畜生阿脩羅等一切諸惡趣拔濟是中苦惱衆生脫未脫者度未度者未涅槃者令得涅槃安慰一切諸恐怖者以如是等業因緣故菩薩則得壽命長遠於諸智慧而

得自在隨所壽終生於天上迦葉菩薩白佛言世尊於佛法中有破戒者作逆罪者毀正法者云何當於如是等人同子想耶佛告迦葉善男子譬如國王諸羣臣等有犯王法隨罪誅戮而不捨置如來世尊不如是也於毀法者與駁遣羯磨呵責羯磨置羯磨舉罪羯磨不可見羯磨滅擯羯磨未捨惡見羯磨善男子如來世尊與謗法者作如是等降伏羯磨為欲示諸行惡之人有果報故我涅槃已隨其方面有持戒比丘威儀具足說持正法見壞法者即能駁遣呵責徵治當知是人得福無量不可稱計乃至若善比丘見壞法者置不可責駁遣舉處當知是人佛法中怨若能駁遣呵責舉處是我弟子真聲聞也又云如來今以無上正法付囑諸王大臣宰相比丘比丘尼優婆塞優婆夷是諸國王及四部衆應當勸勵諸學人等令得增上戒定智慧若有不學是三品法懈怠破戒毀正法者王者

大臣四部之衆應當苦治又經云若有比丘供身之具亦當豐足復能護持所受禁戒能師子乳廣說妙法謂脩多羅乃至阿浮陀達磨以如是等九部經典爲他廣說利益安樂諸衆生故唱如是言涅槃經中制諸比丘不應畜養奴婢牛羊非法之物若有比丘畜如是等不淨物者應當治之如來先於異部經中說有比丘畜如是等非法之物某甲國王如法治之駁令還俗若有比丘能作如是師子吼時有破戒者聞是語已咸共瞋恚害是法師是說法者設復命終故名持戒自利利他以是緣故我聽國中羣臣宰相諸優婆塞等護說法人經中廣明覺德比丘護正法時制諸比丘不得破戒畜非法物破戒徒衆聞是語已便來害之時有國王名曰有德沒命護持覺德比丘與共戰鬪救得法師從是之後常得值佛乃至二人皆得成佛自相云余時王者則我身是說法比丘迦葉佛是爲護

法故皆得成就是金剛身又云我涅槃後濁惡之世國土荒亂爭相抄掠人民飢餓尙時多有爲飢餓故發心出家如是之人名爲禿人是禿人輩見有持戒威儀具足清淨比丘護持正法駁逐令出若利若害迦葉菩薩白佛言世尊是持戒人護正法者云何當得遊行村落城邑教化善男子是故我今聽持戒者依諸白衣持刀杖者以爲伴侶若諸國王大臣長者優婆塞等爲護法故雖持刀杖我說是等名爲持戒雖持刀杖不應斷命若能如是即得名爲第一持戒又云我於經中亦說有犯四波羅夷乃至微細突吉羅等應當苦治衆生若不護持禁戒云何當得見於佛性一切衆生雖有佛性要因持戒然後乃見因見佛性得成阿耨菩提又偈云
比丘若修集 戒定及智慧 當知則不父親近大涅槃 又月燈偈云
雖廣讀衆經 持多聞毀禁 多聞不能救

破戒地獄苦

又十輪經佛說偈云

有真善利利
當獲功德海
持用施諸佛
造僧房供養
假使爲諸佛
不如護正法
若護我法者
悉摧一切山
譬如水災起
亦消諸煩惱
夫欲成大鑒弘其三藏先須當機自療已患
五十三

然後治他法得久住不得爲名利故空談名
教不修一行遂同狂醉故大莊嚴論云有二
種醉一者家色財等成就時醉二者他稱讚
時醉此之二醉前一多是在家人等富貴時
醉開放逸門造地獄因後一多是出家人等
貪學名利輕賤自身希望他讚便生憍慢昏

供養於正法
具足七寶等
遍滿闇浮提
其福猶有限
乃至四天下
彼雖得大福
不如護正法
滿中造塔廟
彼雖得大福
譬如五日出
能竭於大海
則竭煩惱結
譬如風災起
亦滅諸煩惱
漂蕩壞大地
若護正法者
思慎部第三

於志趣失於聖意盲不見道流浪三塗故涅槃經云佛告迦葉我般涅槃七百歲後是魔波旬漸當沮壞我之正法譬如獵師身服法衣魔王波旬亦復如是作比丘像比立尼像優婆塞優婆夷像亦化作須陀洹身乃至化作阿羅漢身及佛色身魔王以此有漏之形作無漏形壞我正法又經云若有比丘以利養故爲他說法是人所有徒衆眷屬亦效是師貪求利養是人如是便自壞衆又云若有比丘雖持禁戒爲利養故與破戒者坐起行來共相親附同其事業是名破戒亦名雜僧又云復有常沒非一闡提何者是也如人爲有修施戒善是名常沒故經云善男子有四善事獲得惡果何等爲四一者爲勝他故讀誦經典二者爲利養故受持淨戒三者爲他眷屬故而行布施四者爲非想非非想處繫念思惟是四善事得惡果報又云是一闡提滅諸善根非其器故假使是人百千万歲

聽受如是大涅槃經終不能發菩提之心所以者何無善心故又經云善男子我涅槃後無量百千歲四道聖人悉復涅槃正法滅後於像法中當有比丘像似持律少讀誦經貪嗜飲食長養其身身所衣服膚匱醜惡形容顛頽無有威德放畜牛羊擔負薪草頭躡髮爪悉皆長利雖服袈裟猶如獵師細步徐行如猫伺鼠常唱是言我得羅漢多諸病苦眼卧糞穢外現賢善內懷貪嫉如受啞法婆羅門等實非沙門現沙門像邪見熾盛誹謗正法如是等人滅壞如來所制戒律正行威儀說解脫果難不淨法及壞甚深祕密之教各自隨意反說經律而作是言如來皆聽我等食肉飲酒自生此論言是佛說互共訐訟各自稱是沙門釋子善男子余時復有諸沙門等貯聚生穀受取魚肉手自作食執持油瓶寶蓋革屣親近國王大臣長者占相星宿勸修醫道畜養奴婢金銀雜寶與諸伎藝畫師

卷二十三

六

泥作造書教學種殖根裁蠶道呪幻和合諸藥作唱伎樂香華治身博補園幕諸工巧等若有比丘能離如是諸惡事者當說是人真我弟子若反習是事親近國王王子大臣及諸女人高聲大笑或復默然於諸法中多生疑惑多語妄說長短好醜或善不善好著妙衣如是種種不淨之物於施主前躬自讚歎出入逆行不淨之處所謂沽酒妓妓博易如是之人我今不聽在比丘中應當休道還俗役使譬如釋移悉滅無餘當知是等經律所制悉是如來之所說也若有隨順魔所說者是魔眷屬若有隨順佛所說者即是菩薩乃至經云破戒比丘當於百千億万劫數割截身肉以償施主若生畜生身常負重所以者何如折一髮爲千億分破戒比丘尚不能消一分供養況能消他衣服飲食卧具醫藥又云樂視婦女不附男子乃至憎持戒者親附破戒常讚布施不讚持戒忍辱精進禪定智

慧不讚寂滅遠離獨處常好議論持戒者過亦不稱讚行頭陀者或指其事惡口橫加又經云善男子如來正法將欲滅盡爾時多有惡行比丘不知如來微密之藏懶惰懈怠不能讀誦宣揚分別如來正法譬妬癡賊棄捨真寶捨寶草麁不解如來微密藏故於是經

朱林卷三十

七

中懈怠不勤哀哉大嶮當來之世甚可怖畏苦哉衆生不勤聽受是大乘典大涅槃經唯諸菩薩摩訶薩等能於是經取真實義不著文字隨順不逆爲衆生說復次善男子如牧牛女人爲欲賣乳貪利多故加二分水轉賣與餘牧牛女人彼女人得已復加二分轉賣與近城女人得已復加二分轉賣與城中女人彼女得已復加二分詣市賣之時有一人爲子納婦當須好乳以贍賓客至市欲買是賣乳者多索價數是人答言汝乳多水不直余許正直余許我今贍待賓客是故當取取已還家煮用作糜都無乳味雖復無味於

苦味中千倍爲勝何以故乳之爲味諸味中最善男子我涅槃後正法未滅餘八十年尔時是經於闍浮提當廣流布是時多有諸惡比丘抄掠是經分作多分能滅正法色香美味是諸惡人雖復讀誦如是經典滅除如來深密要義安至世間莊嚴文飾無義之語抄前著後抄後著前前後著中中著前後當知如是諸惡比丘是魔伴侶受畜一切不淨之物而言如來悉聽我畜如牧牛女多加水乳諸惡比丘亦復如是唯以世語錯定是經分多衆生不得正說正寫正取尊重讚歎供養恭敬是惡比丘爲利養故不能廣宣流布是經所可分流少不足言如彼牧牛貧窮女人展轉薄淡無有氣味雖無氣味猶勝餘經足一千倍如彼乳味於諸苦味爲千倍勝何以故是大乘典大涅槃經於聲聞經最爲上首喻如牛乳味中最勝以是義故名大涅槃說聽部第四 如涅槃經云復次善男子若

我弟子受持讀誦書寫演說是涅槃經莫非時說莫非國說莫不請說莫輕心說莫處處說莫自歎說莫輕他說莫滅佛法說莫熾然世法說善男子若我弟子受持是經非時而說乃至熾然世法說者人當輕呵而作是言若佛祕藏大涅槃經有威力者云何令汝非時而說乃至熾然世法而說若持經者作如是說當知是經爲無威力若無威力雖復受持爲無利益緣是輕毀涅槃經故令無量衆生墮於地獄則是衆生惡知識也非我弟子是魔眷屬若爲利養五欲名聞而說經者事同博易速滅正法又涅槃經云云何旃檀賀易凡木如我弟子爲供養故向諸白衣演說經法白衣情逸不喜聽聞白衣處高比丘在下兼以種種餚饌飲食而供給之猶不肯聽是名旃檀貿易凡木云何以金貿易鑄石鑄石譬色聲香味觸金譬於戒我諸弟子沙弥小因緣破所受戒是名以金貿易鑄石云何以

銀買易白鑄銀璧十善鑄璧十惡我諸弟子放捨十善行十惡法是名以銀貿易白鑄云何以絹貿易穆褐毳褐以璧無慚無愧絹璧慚愧我諸弟子放捨慚愧習無慚愧是名以絹貿易種褐云何甘露貿易毒藥毒藥以璧種種供養甘露以璧諸無漏法我諸弟子爲利養故向諸白衣若自譽讚言得無漏是名甘露貿易毒藥又法華經云菩薩摩訶薩不親近國王王子大臣官長不親近諸外道梵志尼捷子等及造世俗文筆讚詠外書乃至田獵魚捕諸惡律儀不親近求聲聞人又不應於女人身取能生欲想相而爲說法亦不樂見若入他家不與小女處女寡女等共語亦復不近五種不男之人以爲親友不獨入他家若有因緣湏獨入時但一心念佛若爲女人說法不露齒笑不現脣臆乃至爲法猶不親厚況復餘事不樂畜年少弟子沙弥小兒亦不樂與同師常好坐禪於空閑處修攝

卷二

朱三

九

其心又佛藏經云不淨說法有五種一者自言盡知佛法二者說佛經時出諸經中相違過失三者於諸法中心疑不信四者自以所知非他經法五者爲利養故爲人說法如是說者我說此人當墮地獄不至涅槃又云我久勤苦求是法寶而此惡人捨置不說但以

經相違語義乖相是非不頗正法於聖法中畜心自大隨意而說爲求利養若比丘說法雜外道義者有善比丘應從坐去若不尔者非善比丘亦復不名隨佛教者如是說者我說此人名爲外道尼軌弟子非佛弟子謂是地獄畜生餓鬼何以故身未證法而在高座身自不知而教人者法墮地獄又當來比丘好讀外經當說法時在校文辭令衆歡樂惡魔余時助惑衆本鄭礪善法若有貪著音聲語言巧飾文辭若有人好外道經者魔皆迷惑令心安隱又如羣盲人捨所得物欲諸大施而墮深坑哉弟年亦復如是捨鹿衣食

而逐大施求好供養以世利故失大智慧而墮深坑阿鼻地獄又云不淨說法得罪極多亦爲衆生作惡知識亦誇過去未來今佛若人悉奪三千大千世界衆生命不淨說法罪多於此何以故是人皆破諸佛阿耨多羅三藐三菩提爲助魔事亦使衆生於百千世受

卷三十一

三

諸衰惱但能作譯不能令解當知是人於諸衆生爲惡知識爲是妄語於大衆中誹毀諸佛以是因緣墮大地獄教多衆生以邪見事是故名爲惡邪見者又云舍利弗余時破戒比丘乃至爲得一杯酒故與諸白衣演說佛法於意云何多貪恚癡多樂讀經貪外經利行不清淨舍利弗若有比丘耆年有德比丘中龍有深智慧是人能信無所有自相空法無我無人法何以故是人不樂衆闍難語不樂睡眠多事不爲白衣營執事務不爲使命持送文書不行醫行不讀醫方不爲販賣不樂論說世間語言但樂欲說出世間法舍利

弗我今明了告汝求自利已善比丘等當余之時不應入衆乃至一宿唯除阿羅漢煩惱已斷及病比丘於中有緣何以故舍利弗當余時人貪欲瞋恚愚癡毒盛不活怖畏常所逼切求利善人常應自處山林空靜乃至舉命如野獸死又云我此真法不久住世何以故衆生福德善根已盡濁世在近又大集月三歲經云若有衆生唯依讀誦欲求阿耨多羅三藐三菩提者是人多喜著於世俗以世俗故尚不能調伏己心煩惱何能調伏他人煩惱善男子樂著讀誦求菩提者便有嫉妒求於名利高心自恃輕慢毀他尚不能得欲界

未三十一
菩根何況能得色無色界一切善根又摩訶衍大寶嚴經云譬如藥師持藥遊行而自身病不能療治多聞之人有煩惱病亦復如是華有多聞不制煩惱不能自利徒無所用譬如死人著金瓔珞多聞破戒被服法衣受他供養亦復如是又方廣十輪經云若有衆生

起於廉弊愚癡惡口自謂為智乃至不離邪見為求他利而生嫉妬貪著名稱自舉輕他不能守護身口意等心常念惡恒作是語而自稱說是大乘人亦教他讀誦但自讀已非毀於他以是義故讚歎大乘自不調伏於大乘道而欲教他修行大乘乃至云得人身甚難失聲聞辟支佛乘常趣惡道不欲親近諸有智者而唱是言作師子吼我是大乘善男子譬如有人驢著師子皮自以為師子有人遠見亦謂師子驢未鳴時無能分別既出聲已遠近皆知非實師子諸人見者皆悉唾言此弊惡驢非師子耶乃至毀犯禁戒作惡行者於一切處不成法器若自說言我是大乘能破一切衆生煩惱塵勞大障亦為衆生住八正道入無畏城則無是處又佛藏經云過去世時有五比丘一名普事二名苦岸三名薩和多四名將去五名跋難陀是五比丘為大乘師其普事者知佛所說真實空義無所得

法餘四比丘皆墮邪道倒說誘人普事比丘爲四部所輕無有勢力多人惡賤四惡比丘教諸人衆以邪見道於佛法中不相恭敬相違逆故以滅佛法乃至云是諸惡人滅佛正法亦與多人大衰惱事又是惡人命終之後隨阿鼻地獄仰卧九百万億歲伏卧九百万

億歲左右卧亦然於熱鐵上燒然燐爛是中退死更生炙地獄大炙地獄活地獄黑繩地獄皆如上歲數受諸苦惱於黑繩地獄死還生阿鼻大地獄中乃至云親近是人及善知識并諸檀越凡有六百四十萬億人與此四師俱生但死在大地獄受諸燒煮乃至云如是

朱子

十二

展轉一切受苦大劫將燒故在地獄又說大劫若燒是四惡人及六百四十萬億人從此阿鼻大地獄中轉生他方在大地獄何以故舍利弗重罪具足其報不少在於他方無數百千万億那由他歲受大苦惱世界還生是四罪人及六百四十萬億人并及餘人罪未畢者於彼

命終還生此間大地獄中又云久久雖免地獄苦惱得生人中於五百世從生而盲然後得值一切相佛乃至云於彼佛法出家十萬億歲勤行精進如救頭然不得順忍況得道果又涅槃經云善星比丘誦得十二部經智度論云提婆達多出家學道誦得六万法聚

述曰此之二人皆不修方便道中真佛性觀四念處等行法觀察五陰無常苦空非我我所貪著我見人見衆生見已起大逆罪誹謗如來由斯義故此之二人生身陷入阿鼻地獄中受無窮苦如是流例述難可盡

菩薩部第五

如迦葉經云尔時佛告摩訶

迦葉如來不久當般涅槃迦葉白佛言世尊唯願世尊住世一劫若減一劫守護正法佛告迦葉彼愚癡人假使千佛出世種種神通說法教化彼愚癡人於彼惡欲不可令息迦葉當來末世後五百歲有諸衆生具足善根其心清淨能報佛恩守護我法迦葉白佛世

尊我修少行智慧微淺如持重擔我不能堪
唯有菩薩堪能荷負如斯重擔譬如有人年
耆極老年百二十身瘦長病不能起止時有
一人巨富饒財資持珍寶至病人所而語之
言我有緣事當至他方以寶相寄爲我守護
待我還時汝當歸我彼老病人無有子息唯

朱三十

十三

獨一身被人去已未久之間困至命終所寄
財物悉皆散失被人行還求索無所世尊聲
聞之人亦復如是智慧微淺修行甚少又無
伴侶不能久住在於世間若付正法不久散
滅佛讚迦葉我已了知而故付汝令彼叡人
得聞此已生於悔心余時迦葉白佛言世尊
我今更說第二譬喻譬如有人身力盛壯無
諸患苦壽命無量百千万歲生大種姓具足
財寶善持淨戒有大慈悲內懷歡喜利益多
人命得安樂時有一人齋持寶物來至其所
而語之言我有緣事當至他方以寶相寄當
好守護若十年還若二十年還待我來時當

見相還其人得寶藏積守護被人行還即便
歸之世尊菩薩摩訥薩亦復如是若以法寶
付諸菩薩無量千億那由他劫終無失壞利
益無量無邊衆生不斷三寶世尊如是之事
我不能持唯有菩薩乃能堪受世尊此彌勒
菩薩摩訥薩俱在此會如來付之於當來世
後五百歲法欲滅時如來所集之法悉能守
護流演廣說何以故此彌勒菩薩於當來世
當證阿耨菩提譬如國王第一太子當爲王
事如法治世彌勒菩薩亦復如是治法王位
守護正法余時佛讚迦葉如汝所說即申右
手摩彌勒頂作如是言彌勒我付囑汝當來
末世後五百歲正法滅時汝當守護三寶莫
令斷絕余時如來摩彌勒頂時於此三千大
千世界六種震動光明遍滿大千世界余時
地天及虛空天上至阿迦膩吒天悉皆合掌
白彌勒菩薩摩訥薩言如來以法付囑聖者
唯願聖者爲利一切詣天人故受此正法余

朱三十

十四

時彌勒菩薩從坐而起偏袒右肩右膝着地合掌恭敬白佛言世尊我爲利益一切衆生尚受無量億劫之苦況復如來付我正法而當不受世尊我爾時受持於當來世演說如來無量阿僧祇劫所集阿耨菩提法彌勒菩薩說此語時三千世界六種震動 又大集

經云尔時世尊告上首彌勒及賢劫中一切菩薩摩訶薩言諸善男子我昔行菩薩道時曾於過去諸佛如來作是供養以此善根與我作於三菩提因我今憐愍諸衆生故以此報果分作三分留一分自受第二分者於我滅後與禪解脫三昧堅固相應聲聞令無所乏第三分者與彼破戒讀誦經典相應聲聞正法像法剃頭着袈裟者令無所乏彌勒我今復以三業相應諸聲聞衆比丘比丘尼優婆塞優婆夷寄付汝手勿令乏少孤獨而終及以正法像法毀破禁戒着袈裟者寄付汝手勿令彼等於諸資具乏少而終亦勿令有旃

施維王共相憎害身心受苦我今復以彼諸施主寄付汝手我今所有器以非器爲我出家而供養者汝等亦當護持養育彌勒若於現在及未來世讀誦受持此法門者彼等當得十種清淨功德何等爲十始從身清淨故離熱生乃至離邪見是爲十種功德從是以

朱三十

十五

後百千万生常得如是十種清淨功德若有至心聽此法門者是人住如實際得於八種清淨功德何等爲八一長壽二端正三富貴四名稱五常爲諸天守護六所湏常無所乏七盡諸業障八命欲終時有十方佛及諸大眾放大光明照其眼目令其人見得生善處於百千万生常得如是八種功德我今更復略說是人當得十三種清淨功德何等爲十三一生死流轉終不更起顛倒惡見二不生五濁無佛國土三常得見佛四常聞正法五常得供養衆僧六值善知識七常與六波羅密相應八不墮小乘九常以大慈大悲大方便

力成熟衆生十常發勝願十一乃至菩提而常不離如上等法十二速能滿足六波羅蜜十三於阿耨多羅三藐三菩提而成正覺若有受持書寫讀誦爲他說如說修行此月藏法門者所得功德如前所說又大集經云余時無勝意童子白佛言世尊他方佛土所有人民常作是言娑婆世界雜穢然我今者常見清淨佛言如是如是如汝所說又此世界諸菩薩等或作種種天人畜生之像遊閻浮提教化如是種類衆生若爲人天調伏衆生是不爲難若爲畜生調伏衆生是乃爲難閻浮提外東方海中有琉璃山名之爲湖具種種寶其山有窟名種種色是昔菩薩所住之處有一毒蛇在中而住修聲聞慈復有一窟名曰無死亦是菩薩答所住處中有一馬修聲聞慈復有一窟名曰善住處亦是菩薩答所住處中有一羊修聲聞慈其山樹神名曰無勝有羅刹女名曰善行各有五百眷屬園

達是二女人常共供養如是三獸闍浮提外南方海中有頗梨山其山有窟名曰上色亦是菩薩答所住處有一猕猴修聲聞慈復有一窟名曰誓願亦是菩薩答所住處中有一雞修聲聞慈復有一窟名曰法牀亦是菩薩答所住處中有一大修聲聞慈中有火神有羅刹女名曰眼見各有五百眷屬園達是二女人常供養是三鳥獸闍浮提外西方海中有一銀山名曰菩提月中有一窟名曰金剛亦是菩薩答所住處中有一猪修聲聞慈復有一窟名香功德亦是菩薩昔所住處中有一鼠修聲聞慈復有一窟名高功德亦是菩薩本所住處中有一牛修聲聞慈山有鳳神名曰動風有羅刹女名曰天護各有五百眷屬園達是二女人常供養如是三獸闍浮提外北方海中有一金山名曰功德相中有一窟名爲明星亦是菩薩昔所住處中有一師子名曰虎修聲聞慈復有一窟名曰淨道亦是菩

建
朱三十

十六

薩昔所住處中有一兔修聲聞慈復有一窟名曰喜樂亦是菩薩昔所住處中有一龍修聲聞慈山有水神名曰水天有羅刹女名修慚愧各有五百眷屬園庭是二女人常共供養如是三獸是十二獸晝夜常行闇浮提內人天恭敬功德成就已於諸佛所發深重願一日一夜常令一獸遊行教化餘十一獸安住

修慈周而復始七月一日鼠初遊行以聲聞乘教化一切鼠身令離惡業勸修善事如是次第至十二日鼠復還行如是乃至盡十二月至十二歲亦復如是常爲調伏諸衆生故是故此土多有功德乃至畜獸亦能教化演說無上菩提之道是故他方諸菩薩等常應

恭敬此佛世界述曰此之十二獸並是菩薩

形住持世界令不斷絕故作種種人畜等

薩住窟即屬此獸護特得益是故漢地十二

行不異經也

羅漢部第六

依付法藏傳佛以正法付大迦葉令其護持不使天魔龍鬼邪見王臣所有輕毀既受屬

已結集三藏流布人天迦葉又以法屬累阿難如是展轉乃至師子合二十五人並闍浮洲中六通聖者大迦葉今在靈鷲山西峯巖中坐入滅盡定經五十六億七千万歲慈氏佛降傳釋迦佛所付大衣廣現神變然後涅槃又于閻國南二千里沮渠國有三無學羅

漢在山入定無數年來卓然如生至十五日外僧入山爲剃鬚髮又案諸經律佛令大阿羅漢賓頭盧不得滅度今傳佛法每三天下福利羣生令出生死又入大乘論賓頭盧羅睺羅等十六無學羅漢及九十九億羅漢皆於佛前受籌住法又依新翻大阿羅漢難提蜜多羅所說法住記云薄伽梵般涅槃後八百年中執師子國勝軍王都有阿羅漢名難提蜜多羅唐云化緣既畢將般涅槃集諸苾芻苾芻尼等但有疑者應可速問承告涕噎良父乃問我等未知世尊釋迦牟尼與上王法當住幾時時尊者告曰汝等諦聽如來先

已說法住經今當爲汝粗更宣說佛薄伽梵般涅槃時以無上法付囑十六大阿羅漢并眷屬等令其護持使不滅沒及勑其身與諸施主作真福田令彼施者得大果報時諸大衆聞是語已少解憂悲復重請言所說十六大阿羅漢我輩不知其名何等慶友答言第一尊者名賓度羅跋羅惰闍與自眷屬千阿羅漢多分住地西瞿陀尼洲第二尊者名迦諾迦伐蹉與自眷屬五百阿羅漢多分住在北方迦濕彌羅國第三尊者名迦諾跋釐惰闍與自眷屬六百阿羅漢多分住在東勝身洲第四尊者名蘇頰陀與自眷屬七百阿羅漢多分住在北俱盧洲第五尊者名諾詎羅與自眷屬八百阿羅漢多分住在南瞻部洲第六尊者名跋陀羅與自眷屬九百阿羅漢多分住在耽役羅洲第七尊者迦理迦與自眷屬千阿羅漢多分住在僧伽茶洲第八尊者名伐闍羅弗多羅與自眷屬千一百阿羅漢

朱三十

一尊者名賓度羅跋羅惰闍與自眷屬千阿羅漢多分住地西瞿陀尼洲第二尊者名迦諾迦伐蹉與自眷屬五百阿羅漢多分住在北方迦濕彌羅國第三尊者名迦諾跋釐惰闍與自眷屬六百阿羅漢多分住在東勝身洲第四尊者名蘇頰陀與自眷屬七百阿羅漢多分住在北俱盧洲第五尊者名諾詎羅與自眷屬八百阿羅漢多分住在南瞻部洲第六尊者名跋陀羅與自眷屬九百阿羅漢多分住在耽役羅洲第七尊者迦理迦與自眷屬千阿羅漢多分住在僧伽茶洲第八尊者

多分住在鉢刺擎洲第九尊者名忒博迦與自眷屬九百阿羅漢多分住在香醉山中第十尊者名半託迦與自眷屬千三百阿羅漢多分住在三十三天第十一尊者名羅怙羅與自眷屬千一百阿羅漢多分住在畢利颶瞿洲第十二尊者名那伽犀那與自眷屬千二百阿羅漢多分住在半度波山第十三尊者名目揭陀與自眷屬千三百阿羅漢多分住在廣脇山中第十四尊者名伐那婆斯與自眷屬千四百阿羅漢多分住在可住山中第十五尊者名阿氏多與自眷屬千五百阿羅漢多分住在鷲峯山中第十六尊者名注茶半託迦與自眷屬千六百阿羅漢多分住在持軸山中如是十六大阿羅漢一切皆具三明六通八解脫等無量功德離三界染誦持三藏博通外典承佛勑故以神通力延自壽量乃至世尊正法應住常隨護持及與施主作真福田令彼施者得大果報若此世界一

朱三十

十九

半託迦與自眷屬千六百阿羅漢多分住在持軸山中如是十六大阿羅漢一切皆具三明六通八解脫等無量功德離三界染誦持三藏博通外典承佛勑故以神通力延自壽量乃至世尊正法應住常隨護持及與施主作真福田令彼施者得大果報若此世界一

切國王輔相大臣長者居士若男若女發殷淨心爲四方僧設大施會或設五年無遮施會或慶寺慶像慶經幡等施設大會或延請僧至所住處設大福會或詣寺中經行處等安布上妙諸座卧具衣藥飲食奉施僧衆時此十六大阿羅漢及諸眷屬隨其所應分散往赴現種種形蔽隱聖儀同常凡衆密受供具令諸施主得勝果報如是十六大阿羅漢護持正法饒益有情至此南瞻部洲人壽極長至於十歲刀兵劫起爭相誅戮佛法尙時當暫滅沒刀兵劫後人壽漸增至百歲位此洲人等厭前刀兵殘害苦惱復樂修善時此十六大阿羅漢與諸眷屬復來人中稱揚顯說無上正法度無量衆令其出家爲諸有情作饒益事如是乃至此洲人壽六萬歲時無上正法流行世間熾然無息後至人壽七萬歲時無上正法方永滅沒時此十六大阿羅漢與諸眷屬於此洲地俱來集會以神通力

用諸七寶造窣堵波嚴疊高廣釋迦牟尼如來應正等覺所有遺身駄都皆集其內尙時十六大阿羅漢與諸眷屬遶窣堵波以諸香華持用供養供敬讚歎繞百千匝瞻仰禮已俱昇虛空向窣堵波作如是言敬禮世尊釋迦如來應正等覺我先受勑護持正法及與

天人作諸饒益法藏已沒有緣已周今辭滅度說是語已一時俱入無餘涅槃先定願力火起焚身如燈焰滅骸骨無遺時窣堵波便陷入地至金剛際方乃停住尙時世尊釋迦牟尼無上正法於此三千大千世界永滅不現從此無間此佛土中有七百俱胝獨覺一時出現至人壽八萬歲時獨覺聖衆復皆滅度次後彌勒如來應正等覺出現世間時贍部洲廣博嚴淨具如經說
僧尼部第七如毗尼母經云若出家僧尼有五法因緣得令正法不遠隱沒一者所誦習經文句具足前後次第所有義味悉能究盡復教徒衆弟

子同已所知如此人者能令佛法久住於世二者廣習三藏文義具足復能爲四部之衆如所解教之其身雖滅令後代正法相續不絕如此人者能使正法不墮於地三者僧中若有大德上座爲四部所重者能勤修三業捨營世事其徒衆弟子迭代相續皆亦如是此亦復令正法久住四者若有比丘其性柔和言無違逆聞善從之聞惡遠避若有高才智德者訓悔其言奉而修行是亦能令佛法久住五者若比丘共相和順不爲形勢利養朋黨相助共諍是非如此五事能令正法流轉不絕是名說法中上座 長者部第八

如優婆塞戒經云余時會中有長者子名曰善生白佛言世尊外道六師常演說法教衆生言若能晨朝敬禮六方則得增長壽命之財何以故東方之土屬於帝釋有供養者則爲護助南方之土屬於閻羅王有供養者則爲護助西方之土屬於婆樓那天有供養者則爲護

助北方之土屬於拘毗羅天有供養者則爲護助下方之土屬於火天有供養者則爲護助上方之土屬於風天有供養者則爲護助佛法之中頗有如是六方不耶佛言善男子我佛法中亦有六方所謂六波羅蜜東方即是檀那何以故始初出者爲出智慧光因緣故彼東方者屬衆生心若有衆生能供養彼檀那則爲增長壽命與財南方即是尸羅何以故尸羅名之爲右若人供養亦得增長壽命與財西方即是羼提何以故彼西方者名之爲後一切惡法棄於後故若有供養則得增長壽命與財北方即是毗梨何以故北方名號勝諸惡法若人供養亦得增長命之與財下方即是禪定何以故能正觀察三惡道故若人供養亦得增長命之與財上方即是般若何以故上方即是無上無上故若有供養則得增長命之與財善男子是六方者屬衆生心非如外道六師所說如是六方誰能供養善

朱三十

助北方之土屬於拘毗羅天有供養者則爲護助下方之土屬於火天有供養者則爲護助上方之土屬於風天有供養者則爲護助佛法之中頗有如是六方不耶佛言善男子我佛法中亦有六方所謂六波羅蜜東方即是檀那何以故始初出者爲出智慧光因緣故彼東方者屬衆生心若有衆生能供養彼檀那則爲增長壽命與財南方即是尸羅何以故尸羅名之爲右若人供養亦得增長壽命與財西方即是羼提何以故彼西方者名之爲後一切惡法棄於後故若有供養則得增長壽命與財北方即是毗梨何以故北方名號勝諸惡法若人供養亦得增長命之與財下方即是禪定何以故能正觀察三惡道故若人供養亦得增長命之與財上方即是般若何以故上方即是無上無上故若有供養則得增長命之與財善男子是六方者屬衆生心非如外道六師所說如是六方誰能供養善

男子唯有菩薩乃能供養 天王部第九

如舍利弗問經云舍利弗白佛言云何如來告天帝釋及四天王云我不久滅度汝等各於方土護持我法我去世後摩訶迦葉賓頭盧君徒般歎羅睺羅四大比丘住不涅洹流通我法佛言但像教之時信根微薄雖發信心不能堅固不能感致諸佛弟子雖專至累

年不如佛在世時一念之善故弥勒下生聽汝涅槃又雜阿含經云尔時世尊告天帝釋及四天王言如來不久當以無餘涅槃而般涅槃汝等各於方土護持正法我滅度後過於千歲教法滅時當有非法出現世間十善悉壞闕浮提中多諸患難如來頂骨佛牙佛鉢安置東方此是未後付囑天王帝釋四王六欲滿在經文不可具載

又勝天王經云或有衆生見此菩薩今始成道或見菩薩久遠成道或見一世界四天王獻鉢舍利弗菩薩余時度衆生故即受衆鉢重疊掌中合而爲一其諸天王又不相見皆謂世尊獨用我鉢又依鉢記云釋迦如來在世之時所用青石之鉢其形可容三斗有餘佛涅槃後此鉢隨緣往福衆生最後遺化與於漢境此記從北竺來有兩終許甲子歲三月至石澗寺僧伽耶舍小禪師使於漢土宣示令知鬼神部第十 如大集經云尔時一切諸天一切諸龍乃至一切迦吒富單那等於三寶中得增上信作如是言我等一切從今以後護持正法若諸國王見有如是爲佛出家受持禁戒乃至爲佛剃鬚髮片不受禁戒受而毀犯無可積聚如其事緣治其身罪鞭打之者我等不復護持養育如是國王捨離彼國以捨離故令其國土而有種種詣詐鬪諍疫病飢饉刀兵俱起非時風雨亢旱毒熱傷害苗稼令其國土所有世尊聲聞弟子悉向他國使其國土空無福田若有世尊聲聞弟子乃至但著袈裟片者若有宰官鞭打彼

等其刹利王不遮護者我等亦當出其國土
又大集經云余時世尊以振旦國付囉毗首
羯磨天子五千眷屬迦毗羅夜叉大將五千
眷屬乃至雙瞳目大天女十七大將各領五千
眷屬汝等賢首皆共護持振旦國土於彼
所有一切觸惱鬪諍怨讐忿覲言訟兩陣交
戰飢餓疫病非時風雨水寒毒悉令休息
遮障不善諸惡衆生瞋恚瘧苦辛避觸無
味等物悉令休息令我法眼得久住故紹三
寶種不斷絕故頌曰

於赫大聖 種覺圓明 無非不察 如響酬聲
弗資延慶 熟悟歸誠 良道可仰 寔引迷生

百川邪浪 一味吞并 物有取捨 善惡虧盈
八邪馳銳 四旬單名 識非鑒是 法住安寧

法苑珠林卷第三十

鍾十

詣烏舍憚徒客腕抵音緼
支額挫則臥裁音六抄掠上楚交文刑一
沮慈血下略奪也摧晦回

嗜時志顛頽上昧焦反貓音苗又同相更哩
屣所柰蠱音樗蒲上丑居反戲其稗榜上比拜反
屐善字而食也鉢似金鑑鍋二音曉褐褐朱
毬捕步布回爐火燒音變於郢反豬音涕噬上
結反粗坐五諾奴各蹉七何跋釐里之耽丁合
怗古颶音犀先啼宰堵上蘇骨又駄唐貨
迭反結繩初眼譎詐日琰反下劍鍊渠鎮反
瞳音童眼癢古入猛銳音睿

平府常熟縣福山鎮人慈寺比丘 正圭

茲者謹發誠心回施淨財恭入

本府城東磧砂延聖院大藏經坊命工刊造

法苑珠林第三十卷永遠流邇佛教所生
功德專用追薦

先考周七八承事 先妣沈氏廿七娘子二位媳

超昇佛界者

寶祐年五月 日大慈寺比丘 正圭謹題

都勸緣大檀越成忠郎趙安國勸緣比丘 慈親

法苑珠林卷第三十一

隸一
卷三十一

大唐上都西明寺沙門釋道世撰

潛道篇第二十三此有妖恠篇第二十四
述意部第一

蓋聞聖賢應世影跡無方所止之國莫非利
益俗士封其吉凶上智恬其善惡正心而俟
則與天同量矣昔晉武之世有天竺耆域宋
武之初有彭城杯度並顯示徵瑞昭悟毗俗
齊梁之有沙門保誌者始現於永明之初晦
智若狂體同繙塵而藏往知來每中靈驗動
容發辭鮮有遺策土庶響赴所在如雲跡拘
塵垢神遊冥寂水火不能燒濡地虎不能侵
毒雖復限以九關身終無礙語其佛理則聲
聞以上談其隱淪則遁仙高士世有可善故
出善應之世有可惡故出惡應之可謂懸於
日月蔽於金石者矣無壘之福於斯見焉

引證部第二

如生經云佛告諸比丘乃昔過去無數劫時

姊弟二人姊有一子與舅俱給官御府織見
帑藏中奇寶好物即共議言吾織作勤苦歲
物多少寧可共取用解貧乏同夜人定鑿作
地穴盜取官物不可算數明監藏者覺物減
少以啓白王王詔之曰勿廣宣之令外知聞
^乙舅甥盜者謂王不覺王曰至于後日必復重
來且嚴警守以用待之得者收捉無令於逸
藏監受詔即加守備其人久則重來盜外
甥教舅舅今季尊體羸力少若爲守者所得
不能自脫我力強盛當濟挽舅舅適入窟爲
守者所執執者喚呼諸人甥捉不制畏明識
之輒截舅舅出窟持歸晨曉藏監具以啓聞
王又詔曰舉出其屍置四交路其有對哭取
死屍者則是賊魁棄之四衢警守積日人馬
填噎塞路奔突其賊射闊載兩車薪置其屍
上守者啓王王詔候伺若有燒者收縛送來
於是外甥教童執炬儻戲人衆搥吏以火投
薪薪然熾盛守者不覺具以啓王王又詔曰